

BOSNA I HERCEGOVINA  
FEDERACIJA BOSNE I HERCEGOVINE  
**VLADA**

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
**ВЛАДА**

BOSNIA AND HERZEGOVINA  
FEDERATION OF BOSNIA AND HERZEGOVINA  
**GOVERNMENT**

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
**DOM NARODA**  
SARAJEVO

Broj: 03-02-475/2015  
Sarajevo, 22.6.2016. godine

**PARLAMENT FEDERACIJE  
BOSNE I HERCEGOVINE**

Prilježeno: 22-06-2016			
Org. jed.	Broj	Priloga	Vrijednost
02-02	229	15	10x

- Dom naroda  
gđa Lidija Bradara, predsjedavajuća


**VRLO HITNO**

**PREDMET: Izjašnjenje Vlade Federacije Bosne i Hercegovine**

Poštovana,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje o Amandmanu na Prijedlog zakona o izmjenama i dopunama Zakona o provođenju kontrole zakonitosti korištenja prava iz oblasti branilačko invalidske zaštite, koji je podnio Klub izaslanika hrvatskog naroda u Domu naroda Parlamenta Federacije Bosne i Hercegovine**, a koje je utvrdila Vlada Federacije Bosne i Hercegovine na 45. hitnoj sjednici, održanoj 22.6.2016. godine.

S poštovanjem,



Prilog: kao u tekstu

**Cc: - Federalno ministarstvo za pitanja boraca i invalida  
odbrambeno oslobodilačkog rata  
gosp. Salko Bukvarević, ministar**

✓ BOSNA I HERCEGOVINA  
FEDERACIJA BOSNE I HERCEGOVINE  
**VLADA**

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
**ВЛАДА**

BOSNIA AND HERZEGOVINA  
FEDERATION OF BOSNIA AND HERZEGOVINA  
**GOVERNMENT**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10) a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja Amandmana na Prijedlog zakona o izmjenama i dopunama Zakona o provođenju kontrole zakonitosti korištenja prava iz oblasti branilačko invalidske zaštite, koji je podnio Klub izaslanika hrvatskog naroda u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 45. hitnoj sjednici, održanoj 22.6.2016. godine, utvrdila sljedeće:

**IZJAŠNJENJE**  
**O AMANDMANU NA PRIJEDLOG ZAKONA O IZMJENAMA I DOPUNAMA ZAKONA O**  
**PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANILAČKO**  
**INVALIDSKE ZAŠTITE, KOJI JE PODNIO KLUB IZASLANIKA HRVATSKOG NARODA U**  
**DOMU NARODA PARLAMENTA FEDERACIJE BIH**

**AMANDMAN**

Na temelju članka 4. Prijedloga Zakona o izmjenama i dopunama Zakona o provođenju kontrole zakonitosti korištenja prava iz oblasti braniteljsko invalidske zaštite, iza stavka (2) dodaje se novi stavak (3) koji glasi:

U članku 7. stavak (9) mijenja se i glasi:

"Protiv rješenja Federalnog ministarstva donesenih u postupku revizije ne može se izjaviti žalba, ali se može pokrenuti upravni spor kod Kantonalnog suda nadležnog prema mjestu donošenja rješenja kojim je priznato pravo koje je bilo predmet kontrole po odredbama ovog Zakona."

**O B R A Z L O Ž E N J E**

Prema informacijama iz Vrhovnog suda, trenutni broj pokrenutih upravnih sporova u svezi Zakona o provođenju kontrole zakonitosti korištenja prava iz oblasti braniteljsko invalidske zaštite je 6000, a zbog ograničenih ljudskih i materijalnih kapaciteta, postupak pred Vrhovnim sudom traje jako dugo i korisnici prava nisu u mogućnosti ostvariti svoje pravo pristupa sudu i po nekoliko godina, a što je znatno van standarda za donošenje odluke suda u razumnom roku, koji je pravna država, prema europskim standardima dužna osigurati svojim građanima. Problem se dodatno usložnjava informacijama da će u narednom razdoblju biti još nekoliko tisuća ovakvih predmeta.

Smatramo da je najlogičnije, najučinkovitije i najekonomičnije rješenje da sporove u svezi Zakona o provođenju kontrole zakonitosti korištenja prava iz oblasti braniteljsko invalidske zaštite, kao i sve druge upravne sporove u prvom stupnju, sukladno odredbi članka 5. Zakona o upravnim sporovima ("Službene novine Federacije BiH", broj: 9/05), rješavaju kantonalni sudovi i to prema sjedištu prvostupanjskog organa čije rješenje je bilo predmet kontrole.

Na takav način, sukladno odredbama članka 41. Zakona o upravnim sporovima, stranka može Vrhovnom sudu podnijeti vanredno pravno sredstvo - zahtjev za vanredno preispitivanje sudske odluke protiv odluke kantonalnog suda donesene u upravnom sporu, čime bi se korisnicima osigurao pravni lijek i dvostupnost u odlučivanju u sudskom postupku. Iz navedenih razloga predlažem da se Prijedlog Zakona o provođenju kontrole zakonitosti korištenja prava iz oblasti braniteljsko invalidske zaštite dopuni navedenim amandmanom.



**IZJAŠNENJE**  
**Amandman se ne prihvata**

**Obrazloženje**

Vlada Federacije Bosne i Hercegovine ostaje pri tekstu Prijedloga zakona o izmjenama i dopunama Zakona o provođenju kontrole zakonitosti korištenja prava iz oblasti branilačko invalidske zaštite koji je u parlamentarnoj proceduri.

Članom 7. stav 9. Zakona o provođenju kontrole zakonitosti korištenja prava iz oblasti branilačko invalidske zaštite propisano je:

"Protiv rješenja Federalnog ministarstva donesenih u postupku revizije ne može se izjaviti žalba, ali se može pokrenuti upravni spor kod Vrhovnog suda Federacije Bosne i Hercegovine."

Naime, Presudom Ustavnog suda Federacije BiH broj: U-33/11 od 21. februara 2012. godine, a povodom pokrenutog upravnog spora u predmetu Barać Marijana protiv rješenja Federalnog ministarstva za pitanja boraca/branitelja i invalida odbrambeno-oslobodilačkog/domovinskog rata, a u vezi između ostalog i utvrđivanje ustavnosti člana 7. stav 9. Zakona o provođenju kontrole zakonitosti korištenja prava iz oblasti braniteljsko invalidske zaštite, utvrđeno je da je isti u saglasnosti sa Ustavom Federacije Bosne i Hercegovine.

Naprijed navedenom Presudom Ustavni sud podsjeća da Parlament Federacije BiH kao zakonodavni organ u okviru svoje nadležnosti, može uređivati odnose u određenoj oblasti uvažavajući posebne i specifične okolnosti. U slučaju odredbe člana 7. stav 9. Zakona o provođenju kontrole zakonitosti korištenja prava iz oblasti branilačko invalidske zaštite zakonodavni organ je utvrdio izvornu nadležnost Vrhovnog suda Federacije BiH u skladu sa odredbom člana IV.C.15.(2) Ustava Federacije BiH na drugačiji način nego što je to propisano Zakonom o upravnim sporovima. Ustavni sud Federacije BiH je ocjenio da je odredba člana 7. stav 9. Zakona u suštini temporalnog karaktera, te da će se primjenjivati samo u periodu dok se ne završi kontrola ostvarivanja prava iz oblasti branilačko-invalidske zaštite. To suštinski ne narušava postojeće odredbe Zakona o upravnim sporovima i Zakona o upravnom postupku, koji je također dao mogućnost da se posebnim zakonom može u izuzetnim situacijama pitanje upravnog postupka regulisati i na drugi način, a što je i učinjeno kada je u pitanju član 7. stav 9. Zakona o provođenju kontrole zakonitosti korištenja prava iz oblasti braniteljsko invalidske zaštite.

Po ocjeni Ustavnog suda Federacije BiH, utvrđivanje izvorne nadležnosti Vrhovnog suda Federacije BiH za rješavanje sporova protiv rješenja Federalnog ministarstva je opravdano, jer dovodi do jednakosti u postupanju u sudskom postupku.

V. broj: 1319/2016  
22.6.2016. godine  
Sarajevo



PREMIJER

Fadi Novalić